

RIALACHÁN (AE) 2022/1037 ÓN gCOIMISIÚN**an 29 Meitheamh 2022****lena leasaítear Iarscríbhinn II a ghabhann le Rialachán (CE) Uimh. 1333/2008 ó Pharlaimint na hEorpa agus ón gComhairle agus an Iarscríbhinn a ghabhann le Rialachán (AE) Uimh. 231/2012 ón gCoimisiún a mhéid a bhaineann le húsáid glicilipídí mar leasaitheach i ndeochanna****(Téacs atá ábhartha maidir le LEE)**

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 1333/2008 ó Pharlaimint na hEorpa agus ón gComhairle an 16 Nollaig 2008 maidir le breiseáin bia ⁽¹⁾, agus go háirithe Airteagail 10(3) agus 14 de,Ag féachaint do Rialachán (CE) Uimh. 1331/2008 ó Pharlaimint na hEorpa agus ón gComhairle an 16 Nollaig 2008 lena mbunaítear nós imeachta comhchoiteann údaraithe maidir le breiseáin bia, maidir le heinsímí bia agus maidir le blastáin bhia ⁽²⁾, agus go háirithe Airteagal 7(5) de,

De bharr an mhéid seo a leanas:

- (1) Le hIarscríbhinn II a ghabhann le Rialachán (CE) Uimh. 1333/2008 leagtar síos liosta Aontais de bhreiseáin bhia atá formheasta le húsáid i mbia agus coinníollacha a n-úsáide.
- (2) Leis an Iarscríbhinn a ghabhann le Rialachán (AE) Uimh. 231/2012 ón gCoimisiún ⁽³⁾, leagtar síos sonraíochtaí le haghaidh breiseáin bia a liostaítear in Iarscríbhinn II agus in Iarscríbhinn III a ghabhann le Rialachán (CE) Uimh. 1333/2008.
- (3) Féadfar liosta an Aontais de bhreiseáin bhia agus na sonraíochtaí le haghaidh breiseáin bhia a thabhairt cothrom le dáta i gcomhréir leis an nós imeachta comhchoiteann dá dtagraítear in Airteagal 3(1) de Rialachán (CE) Uimh. 1331/2008, ar thionscnamh an Choimisiúin nó tar éis iarratas a fháil ó Bhallstát nó ó pháirtí leasmhar.
- (4) I mí na Nollag 2019, cuireadh iarratas faoi bhráid an Choimisiúin ar údarú maidir le glicilipídí a úsáid mar leasaitheach i ndeochanna blaistithe, i roinnt táirgí eile a thagann faoi chatagóir 14.1 (“deochanna neamhcalcólacha”), i mbeoir agus i ndeochanna braiche nach bhfuil alcól iontu.
- (5) Rinne an tÚdarás Eorpach um Shábháilteacht Bia (“an tÚdarás”) meastóireacht ar shábháilteacht na húsáide atá beartaithe do ghlicilipídí mar bhreiseán bia. Sa tuairim ón Údarás ⁽⁴⁾ a glacadh an 4 Bealtaine 2021, leagadh síos iontógaíl laethúil inghlactha (“ADI”) 10 mg/kg de mheáchan coirp (bw) in aghaidh an lae. Thug an tÚdarás dá aire go bhfuil an meastachán nochtá is airde, 3,1 mg/kg bw i lapadáin, laistigh den ADI atá leagtha síos, agus tháinig sé ar an gconclúid nach ábhar imní é ó thaobh sábháilteachta de an nochtadh do ghlicilipídí a bhaineann leis na húsáidí agus na leibhéil úsáide atá beartaithe ag an iarratasóir.
- (6) Táirgtear glicilipídí leis an bhfungas *Dacryopinax spathularia* trí phróiseas coipthe. Nuair a úsáidtear glicilipídí mar leasaitheach, cuireann siad fad le seilfré deochanna trí na deochanna sin a chosaint ar mheathlú ó mhicrorgánaigh agus coisceann siad fás microrgánach pataigineach. Gníomhaíonn glicilipídí i gcoinne giosta, músacán agus baictéir Ghram-dheimhneacha, agus féadtar iad a úsáid de rogha ar leasaitheacha eile a údaráitear i ndeochanna faoi láthair.
- (7) Dá bhrí sin, is iomchuí úsáid glicilipídí mar leasaitheach sna deochanna a chumhdaítear leis an iarratas a údarú, agus E 246 a shannadh mar E-uimhir don bhreiseán sin.

⁽¹⁾ IO L 354, 31.12.2008, lch. 16.⁽²⁾ IO L 354, 31.12.2008, lch. 1.⁽³⁾ Rialachán (AE) Uimh. 231/2012 ón gCoimisiún an 9 Márta 2012 lena leagtar síos sonraíochtaí le haghaidh breiseáin bia a liostaítear in Iarscríbhinn II agus III de Rialachán (CE) Uimh. 1333/2008 ó Pharlaimint na hEorpa agus ón gComhairle (IO L 83, 22.3.2012, lch. 1).⁽⁴⁾ EFSA Journal [Iris EFSA] 2021;19(6):6609

- (8) Ba cheart na sonraíochtaí le haghaidh glicilipídí (E 246) a áireamh san Iarscríbhinn a ghabhann le Rialachán (AE) Uimh. 231/2012 toisc go n-áirítear an breiseán sin ar liosta an Aontais de bhreiseáin bhia a leagtar síos in Iarscríbhinn II a ghabhann le Rialachán (CE) Uimh. 1333/2008 den chéad uair.
- (9) Dá bhrí sin, ba cheart Rialachán (CE) Uimh. 1333/2008 agus (AE) Uimh. 231/2012 a leasú dá réir sin.
- (10) Tá na bearta dá bhforáiltear sa Rialachán seo i gcomhréir leis an tuairim ón mBuanchoiste um Plandaí, Ainmhithe, Bia agus Beatha,

TAR ÉIS AN RIALACHÁN SEO A GHLACADH:

Airteagal 1

Leasaítear Iarscríbhinn II a ghabhann le Rialachán (CE) Uimh. 1333/2008 i gcomhréir le hIarscríbhinn I a ghabhann leis an Rialachán seo.

Airteagal 2

Leasaítear an Iarscríbhinn a ghabhann le Rialachán (AE) Uimh. 231/2012 i gcomhréir le hIarscríbhinn II a ghabhann leis an Rialachán seo.

Airteagal 3

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 29 Meitheamh 2022.

Thar ceann an Choimisiúin
An tUachtarán
Ursula VON DER LEYEN

IARSCRÍBHINN I

Leasaítear Iarscríbhinn II a ghabhann le Rialachán (CE) Uimh. 1333/2008 mar a leanas:

- (a) I gCuid B, pointe 3 “Breiseáin bia seachas dathanna agus milseoirí”, cuirtear an iontráil nua seo a leanas isteach i ndiaidh na hiontrála a bhaineann le breiseán bia E 243:

“E 246	Glicilipidí”
--------	--------------

- (b) Leasaítear Cuid E mar a leanas:

- (1) I gCatagóir 14.1.4 (Deochanna blaitithe), cuirtear an iontráil a bhaineann le E 246 (Glicilipidí) isteach i ndiaidh na hiontrála a bhaineann le E 242:

“E 246	Glicilipidí	50		gan deochanna déiríochta a áireamh”
--------	-------------	----	--	-------------------------------------

- (2) I gCatagóir 14.1.5.2 (Eile), cuirtear an iontráil a bhaineann le E 246 (Glicilipidí) isteach i ndiaidh na hiontrála a bhaineann le E 242:

“E 246	Glicilipidí	20	(93)	tiúcháin leachtacha tae agus tiúcháin leachtacha torthaí agus tiúcháin insilte luibhe amháin”
--------	-------------	----	------	---

- (3) I gCatagóir 14.2.1 (Beoir agus deochanna braiche), cuirtear an iontráil a bhaineann le E 246 (Glicilipidí) isteach i ndiaidh na hiontrála a bhaineann le E 220 - 228:

“E 246	Glicilipidí	50		beoir agus deochanna braiche nach bhfuil alcól iontu amháin”
--------	-------------	----	--	--

IARSCRÍBHINN II

San Iarscríbhinn a ghabhann le Rialachán (AE) Uimh. 231/2012, cuirtear an iontráil nua seo a leanas isteach i ndiaidh na hiontrála a bhaineann le breiseán bia E 243:

“E 246 glicilipídí**Comhchiallaigh****Sainmhíniú**

Na glicilipídí a tharlaíonn go nádúrtha, faightear iad trí phróiseas coipthe ina n-úsáidtear an tréithchineál tíopa fhiáin MUCL 53181 den fungus *Dacryopinax spathularia* (glóthbeacán inite). Úsáidtear glúcós mar fhoinsé charbóin. Sa phróiseas iarteachtach saor ó thuaslagóirí cuimsítear scagachán agus micreascagachán chun cealla miocróbacha, agus cuimsítear deascadh agus níochán le huisce maolánaithe chun íonúchán a dhéanamh. Déantar an táirge a phaistearadh agus a spraethriomú. Sa phróiseas táirgthe, ní dhéantar na glicilipídí a mhodhnú go ceimiceach ná a gcomhdhéanamh nádúrtha a athrú.

Uimhir CAS

2205009-17-0

Ainm ceimiceach

Glicilipídí ó *Dacryopinax spathularia*

Measúnacht

Rud nach lú ná cion iomlán glicilipídí de 93 % ar an mbonn triomaithe.

Tuairisc

Púdar atá idir béas agus donn éadrom, sainbholadh lag

Sainaitint

Intuaslagthacht

Comhlíonta (10 g/l in uisce)

pH

Idir 5,0 agus 7,0 (10 g/l in uisce)

Moirtiúlacht

28 NTU ar a mhéad (10 g/l in uisce)

Íonacht

Cion uisce

5 % ar a mhéad (Modh Karl Fischer)

Próitéin

3 % ar a mhéad (fachtóir N x 6,25)

Saill

2 % ar a mhéad (meá-mhéadrach)

Sóidiam

3,3 % ar a mhéad

Arsanaic

1 mg/kg ar a mhéad

Luaidhe

0,7 mg/kg ar a mhéad

Caidmiam

0,1 mg/kg ar a mhéad

Mearcair

0,1 mg/kg ar a mhéid

Nicil

2 mg/kg ar a mhéad

Critéir mhicribhitheolaíochta

Comháireamh aeróbach iomlán

100 coilíneacht in aghaidh an ghraim ar a mhéad

Giosta agus múscaín

10 gcoilíneacht in aghaidh an ghraim ar a mhéad

Baictéir dhrólannacha

3 MPN in aghaidh an ghraim ar a mhéad

Salmonella spp.

Neamhláithreach in 25g”